

Коммунистёр — тосхачнр

Шидр болдж давен, тосхлтин 3-ч управленā эклц партийн организацин тооцана болн сунъгъврин хург деер, тосхлтин кōдлмшин нүүрт йовх коммунистёр — производственникүдин тускар келгдсн. Эклц партийн организацин коммунистёр кōдлдж йовх тосхлтин участка болгъндан производственн дилвр күүцдж, долан джилн зурагъар темдглгдсн тосхлтин агъу программиг күүшāхд эврāннь тоомсрта хүүвāн орулхин төлā шундж кōдлдж йовцхана.

Тосхлтин негдгч участкиг коммунист-мастер үр Куцеков гардна. Эн — нүүрт йовдж, производственн зурагъан дилвр тāгъār күүцāдж йовх участкисин негнь. Урднь кōдлмшнь икār хоцрдж йовсиг к о м м у н и с т үр Куцеков тосхачрин күүч-кōлс бүүрдāлгъиг чикār кегъād, дōрдāнд тедниг шунмгъагъар орлцулдж авад, уралан гаргъв.

Эн участкин тосхачнр шалдар белдлгънā узелиг болзгаснь урд дуусдж эдлврт орулгъ теткв. Цементин болн дотлин складмуд тосхлгъиг хурдар кегъād кōдлмшт бас орулв.

Коммунистёр дунд үзмджтā кōдлмшārн нерāн туурулсн улс йовна. Коммунист-урч үр Джогаев шидр Ленинā орденār ачлгдв. Урна кōдлмшārн гавц болдж, нүүрт коммунист Аравшев бас йовна. Урчудин бригад сүүл 5 сарин зурагъан 178 процент күүцāv.

Нүүрлгч производственн участка болдж, коммунист-прораб үр Боваевин участка тоолгдна. Ур Боваев тосхлтин кōдлмштāн ик дамшлтта күүн. Энүгāн тосхачнртан заадж өгād, теднā күүч-кōлсинь эвинь олдж бүүрдāгъād, бāāх техникиг сāāнār олзлад, кōдлмштāн дилвр күүцдж йовна. Эн прорабск участка республикин поликлиникин гер шидр кōдлмшт орулв, дōрвād болн неджād пāтртā кесг гермүд тосхдж дуусв.

Коммунист үр Байн-Хараев, кōдлмшārн ард хоцрдж йовсн урчудин

бригад авч толгъалад, сардан күүс-дундур зура күүцāдж йовна. Дуусгдсн гермүдин дотркинь яслгъна кōдлмшиг коммунист үр Матвеев сāāнār гардлгъ теткдж, ончта чинртāгъār кедж йовна. Шинās партъд орсн үр Мангутов кōдлмшārн арднь ордж да-сдж авад, гермүдин дотркинь яслгънд күүцврмүд бāрдж йовна.

Эклц партийн организац коммунистическ кевār күүч-кōлсāн гаргъдж кōдллгънā джисāг делгрүүлхд ончта онгāн тāvджāнā. Коммунистёр нүүрлгч производственникүд багъчудт эврāннь дамшлтарн хувацдж, теднд сүүв-селвгāн өгч йовцхана. Комсомо-лк Антонован гарддж йовх бригад коммунистическ ачта нер зүүх зōв шидр авб. Бригад сара зурагъан 160—170 процент күүргдж күүцāнā. Ода тосхлтин гурвдгч управленъд коммунистическ күүч-кōлснā нер зүүхин төлā 7 бригад ноолдж йовна.

Коммунистёр производственн кōдлмшт нүүрт йовцхадж, наадк тосхачнрт үлгүүр үзүүлсн — ик чинртā болджана. Болв тернь коммунист күүнд багъ. Коммунистёр терүн деерāн, олна кōдлмшт орлццхах, партийн биш улсин дунд бүүрдāмджин кōдлмш кех, альк нег участкад дугу-дунд үзгдхлā, терүнлā нег мōслгч кевār но-олда кех зōвтā. Олн дунд политическ цāāлгъврин кōдлмш келгънд шунмгъ-агъар орлцдж, өдр, сар, болгън тосхлтин участкас цугтан зурагъан күүцāлгъ теткх, ода эклц партийн организацас, цуг коммунистёрās негдджāнā.

Тосхлтин 3-ч управленā коммунистёр-нүүрлāчнр күүцсн дилврārн бийсāн саатулх хаалгъ уга. Управленār бүклднь тосхлтин зура хашинь-гар күүцāгддж йовна. Авсн даалгъв-ран күүцāлгъ теткх аргъ тосхачнрт бāāнā, терүгт күүцднь олзлдж, үлдсн цагт кōдлмшārн хойр-гурвин холван-днь чангъгах төр ода цуг тосхачн-рин өмн тāvгдджāнā.

С. ШАРМАНДЖИЕВ.